



UNIVERSITÄTS-
BIBLIOTHEK
PADERBORN

Universitätsbibliothek Paderborn

Syntaxis Historiæ Evangelicæ

Cope, Alan

Lovanii, M.D.LXXII.

5. Nascitur Iohan, Baptista, & pr[a]eputium ei amputatur. Zacharias vinculo linguæ soluto, Deum laudat.

[urn:nbn:de:hbz:466:1-47925](https://nbn-resolving.org/urn:nbn:de:hbz:466:1-47925)

S. Matthæus.	S. Marcus.	S. Lucas.	S. Iohannes.
		<p>Suscepit Israël puerum suum, recordatus misericordiæ suæ, Sicut locutus est ad patres nostros, Abraham & semini eius in secula. Mansit autem Maria cū illa quasi mensibus tribus: & reuēsa est in domum suam. *5.</p>	

CAP. 5. Nascitur Iohannes Baptista, & præputium ei amputatur. Zacharias pater eius, vinculo lingue suæ soluto, Deum laudat.
Luca Cap. 1. *4.

S. Matthæus.	S. Marcus.	S. Lucas.	S. Iohannes.
		<p>Elisabeth autē impletū est tēpus pariēdi: & peperit filiū. Et audierūt vicini & cognati eius, quia magnificauit Dominus misericordiā suā cū illa, & cōgratulabātur ei. Et factū est in die octauo uenerūt circūcidere puerū, & uocabant eū nomine patris sui Zachariam. Et respondens mater eius, dixit, Nequaquā, sed uocabitur Iohannes. Et dixerūt ad illā, Quia nemo est in cognatione tua qui uocetur hoc nomine. Innuebant autē patri eius, quem uellet uocari eū. Et postulās pugillarem, scripsit, dicens, Iohannes est nomē eius. Et mirati sunt uniuersi. Apertū est autē ilico os eius, & lingua eius, & loquebatur benedicens Deum. Et factus est timor super omnes uicinos eorū: & super omnia montana Iudææ diuulgabantur omnia uerba hæc, & posuerūt omnes qui audierāt in corde suo, dicentes, Quis putas, puer iste erit? Etenim manus Domini erat cum illo. Et Zacharias pater eius repletus est Spiritu sancto, & prophetauit, dicens,</p>	
		Bene-	

S. Iohannes.

S. Lucas.

S. Marcus.

S. Mattheus

Benedictus Dominus Deus Israël, quia
visitavit & fecit redemptionem ple-
bis suæ.

Et erexit cornu salutis nobis, in domo
Dauid pueri sui.

Sicut locutus est per os sanctorum, qui
à seculo sunt Prophetarum eius.

Salutem ex inimicis nostris, & de manu
omnium qui oderunt nos.

Ad faciendam misericordiam cum pa-
tribus nostris, & memorari testa-
menti sui sancti.

Iusiurandū quod iuravit ad Abraham
patrem nostrum, daturum se nobis.

Vt sine timore de manu inimicorum
nostrorum liberati, seruiamus illi

In sanctitate & iustitia coram ipso, om-
nibus diebus nostris.

Et tu puer, propheta Altissimi vocabe-
ris, præbis enim ante faciem Domi-
ni, parare vias eius.

Ad dandā sciētiam salutis plebi eius, in
remissionem peccatorum eorum,

Per viscera misericordiæ Dei nostri, in
quibus visitavit nos oriens ex alto,

Illuminare his, qui in tenebris, & in
umbra mortis sedent, ad dirigendos

pedes nostros in viam pacis.

Puer autem crescebat, & confortabatur
spiritu, & erat in desertis vsque in diem
ostensionis suæ ad Israël. * 8.

CAP. 6.